



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-401-5/22**
Datum: **12.09.2022. godine**

«Agencija za vodno područje rijeke Save» Sarajevo rješavajući po zahtjevu Investitora „AUTO COMMERCE“ d.o.o. G.Vakuf, za donošenje rješenja o vodnoj dozvoli za ispuštanjem oborinskih onečišćenih voda u prirodni recipijent sa lokacije objekta benzinske crpke koja se nalazi u naselju Podgrađe, općina Gornji Vakuf-Uskoplje, na osnovu člana 109. stav (1) Zakona o vodama («Službene novine Federacije BiH, broj 70/06») i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

R J E Š E N J E **o vodnoj dozvoli**

1. Daje se vodna dozvola Investitoru „AUTO COMMERCE“ d.o.o. G.Vakuf, za ispuštanje oborinskih onečišćenih voda u prirodni recipijent sa lokacije objekta benzinske crpke koja se nalazi u naselju Podgrađe, općina Gornji Vakuf-Uskoplje, na zemljištu označenom kao k.č. 328/1, K.O. G.Vakuf, općina G.Vakuf-Uskoplje.
 2. Ova vodna dozvola se odnosi isključivo na ispuštanje oborinskih onečišćenih voda u prirodni recipijent sa lokacije objekta benzinske crpke, definirane tačkom 1. Rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu sa članom 139. stav 2. točka 1. i 2. Zakona o vodama («Službene novine Federacije BiH» broj 70/06).
 3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom.
 - 3.2. Da korisnik predmetnog objekta, za vrijeme trajanja ove dozvole, osigura da se onečišćene vode sa saobraćajnih, radnih i manipulativnih površina, nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim ovako tretirane vode, preko okna za monitoring, ispuštaju u gradsku kanalizaciju.
 - 3.3. Skladištenje nafte i naftnih derivata vršiti u ukopanim dvoplašnim čeličnim rezervoarima ukupne zapremine 100 m³ (2x50 m³).
 - 3.4. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine («Službene novine Federacije BiH» br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.5. Da se uspostavi i redovno vrši monitoring prečišćene otpadne vode iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije..
- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uvjetima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 23/17 i 41/20).

- 3.6. Objekte čija je svrha odvođenje i prečišćavanje onečišćenih voda (separator ulja i masti, slivnici i rešetke, kanalizaciona mreža) treba redovno održavati i koristiti na način koji će osigurati njihovu potpunu ispravnost i funkcionalnost.
- 3.7. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
- 3.8. Prečišćene oborinske vode moraju ostati u maksimalno dopuštenim granicama definiranim članom 14. Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
- 3.9. Osigurati priručna sredstva za brzu intervenciju u slučaju nekontroliranog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 3.10. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
- 3.11. Da se, sukladno propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama («Službene novine Federacije BiH», broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
5. U periodu važenja ove dozvole, investitor odnosno korisnik „AUTO COMMERCE“ d.o.o. G.Vakuf je dužan provoditi sve mjere i aktivnosti propisane istom.
6. Ukoliko radom predmetnog poslovnog objekta dođe do promjene režima voda, a te promjene uzrokuju šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta odnosno zaključka.
10. Ova vodna dozvola, shodno članu 117. stav 1. Zakona o vodama («Službene novine Federacije BiH» broj 70/06) se daje sa rokom važenja od 5 (pet) godine od dana pravosnažnosti ovog rješenja.
11. Prije isteka važnosti ove dozvole Investitor „AUTO COMMERCE“ d.o.o. G.Vakuf dužan je da zatraži izdavanje nove vodne dozvole.

O b r a z l o ž e n j e

Investitor „AUTO COMMERCE“ d.o.o. G.Vakuf, podnio je zahtjev za izdavanje vodne dozvole za ispuštanje oborinskih onečišćenih voda u prirodni recipijent za lokalitet na kome je izgrađena benzinska crpka s pratećim sadržajima u naselju Podgrađe, općina Gornji Vakuf-Uskoplje, na zemljištu označenom kao k.č. 328/1, K.O. G.Vakuf, općina G.Vakuf-Uskoplje.

U provedenom postupku dostavljena je i pregledana sljedeća dokumentacija:

- Kopija Rješenja o aktuelnom izvodu iz sudskog registra broj: 051-0-RegZ-14-001400 od 18.12.2014. izdano od općinskog suda u Travniku.
- Kopija Uvjerenja o poreznoj registraciji od 10.12.2015.godine, izdanog od strane Porezne uprave – Kantonalni ured Novi Travnik.
- Ovjerenja kopija Uvjerenja o upisu u jedinstveni registar obveznika indirektnih poreza broj: 04/1UPJR/1-6027-2/07 od 16.07.2007.godine, izdanog od strane Uprave za indirektno-neizravno oporezivanje Banja Luka.
- Kopija uplatnice administrativne takse.
- Kopija uplatnice po Zaključku o posebnim troškovima.
- Odobrenje za građenje br.05-518/97 od 27.06.1997.god., izdana od Odjela za graditeljstvo i prostorno uređenje općine Gornji Vakuf-Uskoplje.
- Upotrebna dozvola za benzinsku crpku br: 05/1-735/00 od 15.11.2000. izdana od Odjela za graditeljstvo i prostorno uređenje općine Gornji Vakuf-Uskoplje.
- Projektno tehnička dokumentacija „Glavni projekt unutarnjeg vodovoda i kanalizacije“ izrađen od IVIČEK I d.o.o. Jastrebarsko iz 7/1999.
- Potvrda od poduzeća METALINVEST d.o.o. Jajce da su ugrađeni dvoplašni spremnici za naftne derivate br. 005/22 od 06.09.2022.god.
- Potvrda o priključku na kanalizacionu mrežu br.113/22 od 31.8.2022.god, izdano od JKP „ViK“ G.Vakuf.
- Ugovor o čišćenju i održavanju separatora ulja i masti potpisan s ovlaštenim poduzećem „DELTA PETROL“ d.o.o. Kakanj od 06.9.2022.god.
- Godišnji elaborat o ispitivanju kvaliteta tehnoloških otpadnih voda izrađen od „HERKON“ d.o.o Mostar od 25.3/2017. godine.

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak poslovnog objekta i tom prilikom je sačinjen zapisnik o uviđaju broj: UP-1/21-3-40-401-4/22 od 08.09.2022. na kome je konstatirano sljedeće:

- Objekat benzinske pumpe sa pratećim sadržajima je izgrađen u Gradska bb, Gornji Vakuf - Uskoplje, na zemljištu označenom kao k.č. 3280/1, K.O.Gornji Vakuf, općina Gornji Vakuf-Uskoplje. Objekat benzinske crpke se sastoji od prodajnog objekta, uredskog prostora, kafe bara, nadstrešnice sa automatima za istakanje goriva, podzemnih, spremnika za skladištenje goriva, separatora masti i ulja i servisa za tehnički pregled motornih vozila.
- Zauljene oborinske vode sa radnih, prometnih i manipulativnih površina se sistemom uličnih slivnika i kanalizacionih cijevi prikupljaju i odvođe do tipskog separatora ulja i masti. Preliv iz separatora je u gradsku kanalizaciju.
- Smještaj goriva se vrši u ukopanim čeličnim dvoplašnim spremnicima ukupnog kapaciteta 100 m³ (2x50 m³) za koje je priložena potvrda od proizvođača.
- Čišćenje i održavanje separatora ulja regulirano je ugovorom s poduzećem Delta Petrol d.o.o. Kakanj a ispitivanje kvalitete otpadnih voda vrši poduzeće HERKON d.o.o. Mostar.
- Na uviđaju je prezentirana sljedeća dokumentacija:
 - Uvjerenje o priključku na javni gradski vodovod i gradsku kanalizaciju, izdano od JKP „ViK“ G.Vakuf, br. 113/22 od 31.8.2022,
 - Potvrda za ugrađene dvoplašne spremnike za naftne derivate izdan od „METALINVEST“ d.o.o. Zavidovići br. 005/22 od 06.09.2022.god.,
 - Ugovor o čišćenju separatora ulja i masti sklopljen s poduzećem „DELTA PETROL“ d.o.o. Kakanj od 06.9.2022.god.,
 - Projektno tehnička dokumentacija „Projekt izvedenog stanja-hidro faza objekta benzinske stanice Novi Travnik“ izrađena od Zavoda za vodoprivredu d.d. Sarajevo,
 - Izvještaj o ispitivanju kvaliteta tehnoloških otpadnih voda izrađen od „HERKON“ d.o.o Mostar od 4/2022, ukazuje da su svi parametri u granicama dozvoljenih sukladno važećim uredbama.
- Objekt se ne nalazi u vodnom dobru.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uvjeti kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

U cilju utvrđivanja činjenica vezanih za ispunjenje uvjeta u smislu izvršavanja obaveza propisanih tačkom 3. iz starog Rješenja o vodnoj dozvoli (broj: UP-I/25-3-40-402-5/17 od 05.07.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 02.09.2022. godine konstatirano je da podnosilac zahtjeva „AUTO COMMERCE“ d.o.o. G.Vakuf redovno izmiruje svoje obaveze uplate po osnovi posebnih vodnih naknada.

Na osnovu provedenog postupka konstatira se da je podnosilac zahtjeva „AUTO COMMERCE“ d.o.o. G.Vakuf za poslovnu jedinicu u Novom Travniku, ispunio minimum uvjeta za izdavanje vodne dozvole za ispuštanje oborinskih onečišćenih voda sa lokacije te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradio:

Marko Barić, dipl.ing.građ.

za Po ovlaštenju
Rukovodilac Sektora za izdavanje vodnih akata

Haris Ališehović

Haris Ališehović, dipl. ing.građ

Dostaviti:

- „AUTO COMMERCE“ d.o.o. G.Vakuf, Podgrađe bb, G.Vakuf-Uskoplje
- AVP, ISV – Vodna knjiga
- Sektor 50,
- ⊙ Sektor 40, arhiva
- Oglasna ploča-AVP Sava